

困學紀聞

四

困學紀聞卷之四

浚儀王應麟伯厚甫

周禮

漢河間獻王得周官而武帝謂末世瀆亂不驗之書唯唐太宗夜讀之以為真聖作曰不井田不封建而欲行周公之道不可得也人君知此經者太宗而已劉歆始用之蘇綽再用之王安石三用之經之蠹也唯文中子曰如有用我執此以往程伯子曰必有闕眡麟趾之意然後可以行周官之法度儒者知此經者王程二子而已

漢志謂之周官經序錄云劉歆始建立周官經以為周禮意者周禮之名昉此乎然後漢書云鄭眾傳周官經後馬融作周

四十一

紀聞卷四

并

官傳授鄭玄玄作周官注猶未以周禮名也隋志自馬融注

已下始曰周官禮

隋志三禮目錄一卷鄭玄撰今見于釋文

五峯胡氏云周官司徒掌邦教敷五典司空掌邦土居四民世傳周禮闕冬官未嘗闕也乃冬官事屬之地官程泰之云五官各有羨數天官六十三地官七十八春官七十夏官六十九秋官六十六蓋斷簡失次取羨數凡百工之事歸之冬官其數乃周俞庭椿為復古編亦云司空之篇雜出於五官之屬九峯蔡氏云周公方條治事之官而未及師保之職冬官亦闕首末未備周公未成之書也

考工記或以為先秦書而禮記正義云孝文時求得周官不見冬官一篇乃使博士作考工記補之馬融云孝武開獻書之

路周官出於山巖屋壁漢書謂河間獻王得之非孝文時也
序錄云李氏上五篇失事官一篇取考工記補之六藝論云
壁中得六篇誤矣齊文惠太子鎮雍州有盜發楚王家獲竹
簡書青絲編簡廣數分長二尺有得十餘簡以示王僧虔僧
虔曰是科斗書考工記周官兩闕文也漢時科斗書已廢則
記非博士所作也易氏云考工記非周書也言周人上輿而
有梓匠之制言周人明堂而有世室重屋之制言溝洫澮川
非逐人之制言旂旗旟旒旒旒非大司馬司常巾車之制眡周典
大不類

禮器經禮三百鄭氏注謂即周禮三百六十官漢志禮經三百
臣瓚注云周禮三百是官名也禮經謂冠昏吉凶蓋以儀禮
為經禮也朱子從瓚說謂周禮乃設官分職之書禮典在其
中而非專為禮設也

鄭康成釋經以緯書亂之以臆說汨之而聖人之微指晦焉徐
氏微言謂鄭注誤有三王制漢儒之書今以釋周禮其誤一
司馬灋兵制也今以證田制其誤二漢官制皆嚴秦今引漢
官以比周官小宰乃漢御史大夫之職謂小宰如今御史中
丞如此之類其誤三鶴山謂以末世弊法釋三代令典如以
漢筭擬邦賦以莽制擬國服心齋謂以周禮為非聖人之書
者以說之者之過也

張禹以論語文其說劉歆以周官文其姦猶以詩禮發冢也禹
不足玷論語而以歆訾周官可乎

西山曰歆之王田安石
之泉府直竊其一二以

易氏總義云府史胥徒通典總言其為六萬三千六百七十五人愚攷之通典周六萬三千六百七十五員內二千六百四十三人外諸侯國官六萬一千三十二人此乃官數非謂府史胥徒也

嬪御奄寺飲食酒漿衣服次舍器用貨賄皆領於冢宰冕弁車旗宗祝巫史卜筮瞽侑皆領於宗伯此周公相成王格心輔德之法周之興也滕侯為卜正呂伋為虎賁氏侍御僕後罔匪正人左右携僕庶常吉士及其衰也昏極靡共婦寺階亂膳夫內史趣馬師氏締交於嬖寵瑣之姻亞私人之子竊位於王朝至秦而大臣不得議近臣矣至漢而中朝得以誥外

四

紀聞卷四

一

音

朝矣至唐而比司是信南司無用矣由周公之典廢也間有詰責幸臣如申屠嘉奏劾常侍如楊秉宮中府中為一體如諸葛武侯可謂知宰相之職者唐太宗責房玄齡以比門營繕何預君事豈善讀周禮者哉我朝趙普於一薰籠之造亦制以有司之法李沆於後宮之立奏以臣沆不可趙鼎於內苑移竹責官者罷其役庶幾古大臣之風矣五峯乃謂周公不當治成王燕私之事殆未之思也

李泰伯曰內宰用大夫士世婦每宮卿二人皆分命賢臣以參

檢內事

漢世皇后膳事以二千石為之猶有成周遺意

漢食貨志太公為周立九府圜法顏師古注周官太府玉府內府外府泉府天府職內職金職幣皆掌財幣之官故曰九府

愚按爾雅醫無閭之珣玕琪會稽之竹箭梁山之犀兕華山之金石霍山之珠玉崑崙之瑤琳琅玕幽都之筋角斥山之文皮岱岳之五穀魚鹽是謂九府五峯胡氏皇王大紀所述與爾雅同而繼之曰尚父立圜法輕重以銖通九府之貨又按史記列傳吾讀管氏輕重九府劉向別錄曰九府書民間無有索隱謂其書論鑄錢之輕重鹽鐵論學曰管仲設九府徼山海通典亦云太公立九府之貨然則九府太公立之管仲設之其名列于爾雅蓋即管氏書也大紀之說得之顏注恐非曲禮天子之六府亦與大禹謨之六府異

九嬪注引孔子曰日者天之明月者地之理孝經援神契之言也何休公羊傳序引孔子有云吾志在春秋行在孝經孝經

四之六十四 紀聞卷四 四 福

鈞命決之言也漢儒以緯書孔子所作康成注中庸亦引孔子曰吾志在春秋行

經在考

宮伯掌王宮之士庶子漢諸侯子入宿衛齊王之弟章是也入

京師受業楚王之子郢客是也其制猶古

查止於上士抑其權也唐太宗詔內侍省不立三品官不任以事然內侍並列于三省開查尹與政之階與周典統於冢宰

異矣

八則禮俗以馭其民呂徹仲謂庶民可參之以俗士以上專用禮此說非也大傳百志成故禮俗刑呂成公謂禮俗不可分為兩事制而用之謂之禮習而安之謂之俗若禮自禮俗自俗不可謂之禮俗

王之膳服雖不會而九式有羞服之式冢宰所均節也待王之膳服不過以關市之賦則其用簡矣

司徒掌教不言財司馬掌政不言兵鄉遂九歲兵財在其中井田封建之食足兵之本也周官之法不行無善教善政於是憂財用畏夷狄矣

鄉有軍制無田制遂有田制無軍制

疏云鄭注互見其義

大司徒建邦國以土圭土其地匠人建國畫參諸日中之景夜考之極星詩定之方中傳云度日出日入以知東西南視定北準極以正南北愚按晏子春秋景公新成柏寢之室使師開鼓琴師開左撫宮右彈商曰室夕東方之聲薄西方之聲揚公召大匠曰室何為夕大匠曰立室以宮矩為之於是召

司空曰立宮以城矩為之明日晏子朝公曰先君太公立宮何為夕對曰古之立國南望南斗北戴樞星彼安有朝夕哉而以今之夕者周之建國國之西方以尊周也公曰古之臣乎樞星即極星也公劉居豳既景廼罔然則尚矣

蔡邕明堂論曰王居明堂之禮南門稱闕西門稱闈故周官有門闈之學師氏教以三德守王闕保氏教以六藝守王闈然則師氏居東門南門保氏居西門北門也朱子大學章句序王宮有學蓋謂此魯孝公之為公子嘗入京師為國子人稱其孝宣王命之導訓諸侯他書言國子者唯周語焉

師氏三德朱子曰至德以為道本明道先生以之敏德以為行本司馬溫公以之孝德以知逆惡趙無愧徐仲車之後以之

牧摎頌命皆言師氏雲漢之傳曰年穀不登則師氏弛其兵文
王世子大司成注以為師氏而橘維師氏以刺匪其人九兩
師以賢得民注謂諸侯師氏言賢者以身教也后妃亦有之
葛覃云言告師氏

保氏九數鄭司農云今有重差夕桀句股釋文夕音的此二字
非鄭注愚按少儀正義引鄭司農云今有重差句股馬駟干
寶等更云今有夕桀各為二篇未知所出則夕桀二字後人
附益非鄭注信矣劉徽九章算經序云包犧氏始畫八卦作
九九之術以合六爻之變黃帝建曆紀協律呂隸首作數周
公制禮有九數九數之流則九章是矣漢張蒼耿壽昌皆善
算因舊文刪補故校其目與古或異而所論多近語

紀聞卷四

里宰以歲時合耦于勑注云勑者里宰治處也若今街彈之室
於此合耦使相佐助疏謂漢時在街置室檢彈一里之民金
石錄有中平二年正月都鄉正街彈碑在昆陽城中趙明誠
失於攷禮注而酈氏注水經洪氏隸釋皆以街為衛又誤矣
漢食貨志言古制云春將出民里胥平旦坐於右塾鄰長坐
於左塾畢出然後歸夕亦如之里胥之塾其即里宰所謂勑
者歟

厄人注青州之蟹胥

釋文胥息徐及劉音素
字林先於及蟹蟹也

集韻蝓蟹醢四夜

切當後韻邊人注鱮者析乾之出東海陸廣微吳地記云闔閭

思海魚而難於生致治生魚鹽漬而日乾之故名為鱮讀如

管子地員篇九州之土為九十物每土有常而物有次群土之

長是唯五粟次曰五沃次曰五佐次曰五蔭次曰五壤次曰五浮凡上土三十物種十二物中土曰五恣次曰五纒次曰五盪次曰五剽次曰五沙次曰五壩凡中土三十物種十二物下土曰五猶次曰五壯次曰五殖次曰五穀次曰五鳧次曰五桀凡下土三十物種十二物凡土物九十其種三十六按大司徒以土會之灋辨五地之物生以土宜之灋辨十二壤之物而知其種此篇亦古制之存者河畝謂東南神州曰晨土正南邛州曰深土西南戎州曰滔土正西兗州曰开土正中冀州曰白土西北柱州曰肥土北方玄州曰成土東北咸州曰隱土正東揚州曰信土

地負篇凡草土之道各有穀造或高或下各有草土葉下於攣

攣下於萋萋下於蒲蒲下於葦葦下於藿藿下於萋萋下於莽莽下於蕭蕭下於薜薜下於萑萑下於茅凡彼草物有十

二衰

注攣即鬱也衰謂草上下相重次也

按周官有草人此豈其遺制歟

土圭度地之法景一寸地差千里一分地差百里王畿千里以寸為法五等諸侯之地以分為法尺有五寸者一萬五千里之景也天地相去三萬里嘗攷隋唐志宋元嘉十九年測於交州何承天謂六百里差一寸後魏永平元年測於洛陽信都芳謂二百五十里差一寸然宋之於陽城魏之於金陵皆踰度未可據也唐開元十二年植表浚儀大率五百二十六里二百七十步差二寸餘遂以舊說千里一寸為妄

在洛之東偏開元得浚儀之岳臺應南北徭居地之中

司馬公日景圖云日行黃道每

歲有差地中當隨而轉移故周在洛邑漢在潁川陽城唐在汴州後儀滴水李氏云周於陽城測景說者謂地形西北高東南下極星在北斗亦在北極星乃天之中也天之中則地之中

諸公之地方五百里與武成孟子之言不合子產曰列國一同孟子亦曰魯方百里明堂位乃云魯方七百里或謂周官明堂位兼附庸而言臧方氏疏云無功縱是公壽惟守百里地謂若虞公虢公舊是殷之公至周仍守百里國以無功故也愚按左氏傳虞仲太王之昭也虢仲虢叔王季之穆也皆周所封謂舊是殷之公誤矣

歲終正治而敘事注上其計簿疏云漢時考吏謂之計吏今按

說苑晏子治東阿三年景公召而數之明年上計景公迎而賀之韓子外儲說西門豹為鄴令居期年上計君收其璽新序魏文侯東陽上計錢布十倍史記秦昭王召王稽拜為河東守三歲不上計然則春秋戰國時已有上計非始于漢

朱文公曰讀曹公杜牧孫子見其所論車乘人數諸儒皆所未言唯蔡季通每論此事以考周禮軍制皆合愚按孫子作戰篇凡用兵之法馳車千駟革車千乘帶甲十萬曹公注馳車輕車也杜牧注輕車戰車也古者車戰革車輜車重車也載器械財貨衣裝司馬法曰一車甲士三人步卒七十二人炊家子十人固守衣裝五人廐養五人樵汲五人輕車七十五人重車二十五人故二乘兼一百人為一隊舉十萬之衆革

車千乘校其費用支計則百萬之衆皆可也左氏傳乙卯
楚師軍於邲丙辰楚重至於邲呂成公謂凡戰兵車在前輜
重常在兵車之後楚重次日乃至後一日故無鈔擊之患唐
說齋云儒者謂甸出七十五人不知實出百人其七十五人
戰車也其二十五人重車也

古者步百為畝古之百畝為今四十一畝一百六十步古之一
井為今三百七十五畝實儼曰小畝步百周之制也中畝二
百四十漢之制也大畝三百六十齊之制也今所用者漢之
中畝鹽鐵論御史曰古者制田百步為畝先帝哀憐百姓制
田二百四十步而一畝通典謂商鞅佐秦以為地利不盡更
以二百四十步為畝二說不同

禹貢之田九等為掩別楚地亦九等孟子王制為五等而周官
心三等解者謂六司徒不易一易再易三等都鄙之制也小
司徒上中下地三等六鄉之制也遂人上中下地三等有菜
者六遂之制也大司馬上中下地三等諸侯之制也

遂人治野乃鄉遂公邑之制匠人溝洫乃采地之制鄭康成云
周制畿內用夏之貢法稅夫無公田邦國用殷之助法制公
田不稅夫朱文公亦云溝洫以十為數井田以九為數井田
溝洫決不可合而永嘉諸儒欲混為一康成注分為二是也
愚按李泰伯平土書云周畿內及諸侯一用貢法蓋泰伯已
與康成異矣非始於永嘉諸儒也劉氏中義以匠人溝洫求
合乎遂人治野之制謂遂人言積數匠人言方灋然周禮考

工各為一書易氏謂匠人前代之制

禹盡力乎溝洫濬畎澮距川遂人五溝五涂之制因于古也以水佐耕者豐稻人掌之以水佐守者固司險掌之自鄉遂之灋弛子駟為田洫而喪田者以為怨子產作封洫而伍田疇以為誇晉欲使齊盡東其畝而戎車是利甚而兩周爭東西之流至高鞅決裂阡陌呂政決通川防古制蕩然矣古者內為田廬外為溝洫在易之師寓兵於農伏險於順取下坎上坤之象溝洫之成自禹至周非一人之力溝洫之壞自周衰至秦林一日之積先儒謂井田壞而戎馬入中國如入無人之境悲夫

人耦牛耦鄭氏注合耦並言之疏謂周時未有牛耦耕至漢趙

過始教民牛耕今攷山海經后稷之孫神均始作牛耕周益公云孔子有犁牛之言冉耕亦字伯牛賈誼書新序載鄒穆公曰百姓飽牛而畊月令季冬出土牛示農耕早晚何待趙過過特教人耦犁費省而功倍尔

鹽鹽引池而化山海經鹽販之澤穆天子傳至于鹽晉郇瑕氏之地而猗頓用是起者也散塩煮水而成夏書青州之貢臝方幽州之利齊之渠展燕之遼東而宿沙初作者也形鹽物地以出之周公闕所云鹽虎形也飴鹽於戎以取之伊尹所云和之美者大夏之鹽也後周四鹽之政倣此古者以澤之饒與民共之自海王之篇祈望之守作備于齊至漢二十倍於古攷之漢志鹽官三十有五唐有鹽之縣一百五本朝鹽

一可出者十二路為池二為監七為場二十二為井六百有九法蓋詳而利無遺矣

玩物喪志召公以為戒凡式貢之餘財以共玩好之用思非周公之典無逸曰惟正之供

外府注泉始蓋一品周景王鑄大泉而有二品韋昭注周語曰
單穆公云古者有母平子子權母而行然則二品之來古而然矣

古者以射御為藝孔子曰執射乎執御乎詩曰弁善射忌又良御忌四黃既駕兩駮不猗御之善也不失其馳舍矢如破射之善也學射者多矣造父之師秦豆氏尹需之習秋駕皆學御者也說苑謂御者使人恭射者使人端亦正心脩身之法

四十五

紀開卷四

十一

牙

貨賄用玺節注今之印章也司市注云如今斗檢封職金云揭而璽之左傳季武子使公冶問璽書追而與之戰國策欲璽者段干子也蔡邕獨斷云古者尊卑共用之衛宏云秦以來天子為璽又獨以玉為之臣下莫敢用唐又改璽為寶五代史臣

曰國以玉璽為傳授神器遂古無聞運斗樞曰舜為天子黃龍負璽世本曰魯昭公始作璽

司門正其貨賄正者禁其淫侈而歸于正也注讀為征非是迹人春秋末宋猶有是官左氏哀十四年傳迹人來告曰逢澤有介麋焉

司祿闕孟子云諸侯惡其害已也而皆去其籍趙氏注今周禮司祿之官無其職是諸侯皆去之故不復存

稿入注今司徒府中有百官朝會之殿後漢蔡邕集所載百官

會府公殿下者也古天子之堂未名曰殿說苑魏文侯御廩
灾素服辟正殿五日莊子說劍云入殿門不趨蓋戰國始有
是名燕禮注當東雷者人君為殿屋也疏謂漢時殿屋四向
流水舉漢以况周然漢黃霸傳先上殿注謂丞相所坐屋古
者屋之高嚴通呼為殿不必宮中也

太宗伯疏星備云五星初起牽牛歲星一日行十二分度之一
十二歲而周天熒惑日行三十三分度之一三十三歲而周
天鎮星日行二十八分度之一二十八歲而周天太白日行
八分度之一八歲而周天辰星日行一度一歲而周天馮相
氏疏星備云明王在上則日月五星皆乘黃道保章氏疏星
備云五星更王相休廢其色不同王則光芒相則內實休則

五

紀聞卷四

十二

菲

光芒無角不動搖廢則少光色順四時其國皆當也星備之
書僅見於此隋唐志皆不著錄

周五禮之別三十有六唐五禮之儀一百五十有二唐志云自
梁以來始以當時所行傳於周官五禮之名各立一家之學
九磬之舞注云當為大磬愚謂九磬之名尚矣不必改字說苑
孔子至齊郭門之外遇一嬰兒挈一壺相與俱行其視精其
心正其行端孔子謂御曰趣驅之趣驅之韶樂方作孔子至
彼聞韶三月不知肉味齊景公作徵招角招蓋舜樂之存者
劉原父云九招者九名予識其三焉祈徵角之謂也山海經
夏后開得九辯九歌以下始歌九招於大穆之野帝王世紀
啓升后十年舞九韶竹書曰夏后史記禹乃興九招之樂索

隱曰即舜樂簫韶九成艾軒謂勸之以九歌即九招之樂呂氏春秋帝嚳命咸黑作為舞聲歌九招六列六英帝舜令質脩九招六列六英以明帝德然則九招作於帝嚳之時舜修而用之秦唯韶武二樂存

班固律曆志述劉歆之言以律為下生呂為上生鄭康成以黃鍾三律為下生以蕤賓三律為上生梁武帝鍾律緯謂班固夾鍾中呂過於無調鄭康成有升陽而無降陽陳用之禮書謂自子午以左皆上生子午以右皆下生以鄭說為是張文饒翼元曰十二月之律以候月六十日之律以候日月律當一下一上依次而生日律當用蕤賓重上生司馬遷劉歆之法月律也呂不韋淮南京房之法日律也晉志取司馬而非

淮南梁武是京房而非班固皆非通論

大卜三兆其頌皆千有二百夏后鑄鼎繇曰逢二白雲一南一北一西一東九鼎既成遷于三國懿氏占曰鳳皇于飛和鳴鏘二有媯之後將育于姜成季卜曰間于兩社為公室輔驪姬繇曰專之渝攘公之輪一薰一蕕十年尚猶有臭衛侯繇曰如魚窺尾衡流而方羊齋焉漢文飛曰大橫庚二余為天王夏啓以光皆龜繇也

卜師四北鄭氏錡以理推之謂方兆占四方之事也漢武帝發易占知神馬從西北來功兆占立功之事也楚司馬子魚卜戰令龜義兆占行義之事也惠伯曰忠信之事則可易兆有射意後世有覆射之法

龜人六龜易十朋之龜十龜雅庶六典辨龜九類五色依四時用之

列子夢有六候與占夢同噩作噩東坡曰高宗言夢文王武王言夢孔子亦言夢其情性治其夢不亂西山曰正夢不緣感而得餘皆感也

大祝九祭九曰共祭注云共猶授也王祭食宰夫授祭孝經說曰共綏執授疏云孝經說孝經緯文共綏執授謂將綏祭之時共此綏祭以授尸愚謂疏謂綏祭非也後漢禮儀志注孝經授神契曰尊三老者父象也謁者奉几安車輶輪供綏執授宋均曰供綏三老就車天子親執綏授之永平二年卷老詔亦有安車輶輪供綏執授之語蓋取孝經緯

五百 紀聞卷四 十四

鄭司農注肅摻但俯下手今時擅是也項氏云古之拜如今之

揖折腰而已介冑之士不拜故以肅為禮以其不可折腰也其儀特斂手向身微作曲勢此正今時婦人揖禮也漢時婦人之拜不過如此或謂自唐武氏始尊婦人不令拜伏誤矣

周天元令婦人拜天臺作男子拜則雖虜俗婦人亦不作男子拜也內則尚右手者言斂手右向非若今用手按膝作跪

也男之尚左亦然今攷太祖問趙晉拜禮何以男子跪而婦人亦跪也唐武后時婦人始拜而不跪普問所出對曰唐張建章勸海記備言之

眠履掌十輝之灋占日旁之氣也二鄭解其同者六其異者四大卜掌三夢之灋其經運十其別九十謂占夢之正法有十也一運而九變十運而九十變注以經運為十輝先儒謂日

之輝光夢之變通其占不同不當改運為輝

大史正歲年以序事注中數曰歲朔數曰年中數三百六十五

日四今日之一朔數三百五十四日漢歷志曰閏所以正中

朔也或謂周以建子為正而四時之事有用夏正建寅者用

建寅則謂之歲用建子則謂之年洪範正義後冬至及明年冬至為一歲

馮相氏致日致月注冬至日在牽牛景丈三尺夏至日在東井

景尺五寸此長短之極春分日在婁秋分日在角而月徂於

牽牛東井左氏傳日月之行分同道也至相過也正義云春

分朔則日在婁望則月在角秋分朔在角望在婁婁角天之

中道故晝夜等冬至朔則日在斗望則月在井夏至朔在井

望在斗斗并南北故晝夜長短極冬至古日在牽牛今在斗

鄭注與孔疏異應法歲差也

保章氏呈土按乙巳占論十二次云北方之宿主吳越火午之

辰在周邦天度均列而分野殊別一次所主或巨萬里跨數

州或於冢內不布一郡國語歲在鶉火有周之分野今豐鄆

當秦宿而周分隸豫州埋實難詳至如熒惑守心宗景穰其

卦實沈為崇晉侯受其殃事驗時有相應賈公彥謂吳越在

南齊魯在東今歲星或北或西不依國地所在此受封之日

歲星所在之辰國屬焉故也或云十二次可言者一其惟析

木乎尾箕民維燕可以言東北

十有二歲注歲星為陽右行於天太歲為陰左行於地十二歲

而小周滴水云歲星在天歲陰在地天宮書曰歲陰在攝提

格歲星在星紀歲陰在單闕歲星在玄枵自嘉祐丁酉驗之
多差近年尤甚歲星常先月餘近年以來常先一百二十餘
日愚攷大衍曆議曰歲星自商周迄春秋之季率百二十餘
年而超一次戰國後其行寢急至漢尚微差及哀平間餘勢
乃盡更八十四年而超一次三山陳氏謂如左氏之說則寅
而在卯午而在未如史記之說則寅而在丑辰而在未以次
推之皆不同汲冢師春謂歲星每歲而成一分積百四十四
年而滿本數則為超辰之限

外史達書名鄭康成謂古曰名今日字

字者滋也聘禮記云百
名以上書於策不及百

名書於方王文公云文者奇偶剛柔雜比以相承如天地之文故
謂之文字者始於一而生於無窮如母之字子故謂之字夾

紀聞卷四

十一

壬

際謂獨體為文合體為字主類為母從類為子六書象形指
事文也會意諧聲轉注字也假借者文與字也諧聲與五書
同出五書尚義諧聲尚聲說文形也以母統子廣韻聲也以
子詠母字書眼學韻書耳學中庸或問曰司徒教民書居其
一外史達書名於四方大行人又九歲一論焉其制度之詳
如此秦以小篆隸書為法而周制始改

鑄師注引春秋傳賓將楚今左傳作掬環人注引御下捫馬今
作兩臠方氏注引國語闡芊蠻矣今作蠻芊

司燿鄭司農引鄒子與論語馬融引周書月令同

春取榆柳之
火夏取棗杏

季夏取柰柘秋取
柞柞冬取槐檀

王劭曰周官四時變火以救時疾火不數

變疾必興聖人作法豈徒然也晉時有以洛陽火度江者代

代事之相續不滅火色變青東漢禮儀志日夏至浚井改水
日冬至鑽燧改火改水唯見于此

水有疏導火有出納山林金錫之地皆為之厲禁時而用之先
王財成輔相之妙也鹽鐵論大夫曰五行東方木而丹章有
金銅之山南方火而交趾有大海之川西方金而蜀隴有名
材之林北方水而幽都有積沙之地此天地所以均有無通
萬物也管子出銅之山四百六十七出鐵之山三千六百九
唐六典天下水泉三億三萬三千五百五十有九

漏刻之法晝夜百刻易氏云十二時每時八刻二十分每刻六
十分王昭禹云寅申巳未子午卯酉八時各八刻辰戌丑未
四時各九刻愚謂易氏之說與古法合司寤氏掌夜時注謂

四十五
死圖卷四
十七

夜晚早若今甲乙至戊疏云甲乙則早時戌未則晚時愚按
衛宏漢舊儀中黃門持五夜甲乙丙丁戌夜今謂之五更疏
以戌為戌誤矣馬融以昏明為限鄭康成以日出入為限有
五刻之差蔡邕以星見為夜日入後三刻日出前三刻皆屬
晝鄭與蔡校一刺王伯照云晝夜長短以岳臺為定九服之
地與岳臺不同則易箭之日亦皆少差

職方氏漢樊毅修西嶽廟記作識方氏史通云周書職方之言
與周官無異

兗州其浸盧維注云當為雷雍字誤也顏師古曰盧水在濟北
盧縣說文澠水出琅邪箕屋山東入海徐州浸夏書澠淄其
道鄭讀非也

王有三朝一曰治朝在路門之外宰夫司士掌之二曰燕朝在路門之內大僕掌之三曰外朝在臯門之內庫門之外朝士掌之內朝二外朝一唐六典承天門古之外朝太極殿古之中朝兩儀殿古之內朝

鄭康成曰元氏三辰旂旗之文謂王與公同服九章之袞攷之經無所見司服云公自袞冕而下如王之服則袞冕而上之章日月星辰也冕十二旒取法天數豈同服九章無君臣之別哉郊特牲王被袞以象天注謂有日月星辰之章此魯禮也豈有周服九章而魯乃服十二章者乎漢明帝采周官禮記尚書皋陶篇乘輿服袞後歐陽氏說備十二章得古制矣

五刑之灋疏謂宮刑至隋乃赦崔浩漢律序文帝除肉刑而宮

刑

紀聞卷四

十六

不易書正義隋開皇之初始除宮刑按通鑑西魏大統十三年三月除宮刑非隋也

孫君孚談圃謂周官養牛耳荆公言取其順聽不知牛有耳而無竅本以鼻聽有人引一牛與荆公辯今按周禮義云牛耳尸盟者所執無順聽之說蓋荆公聞而改之

萍氏幾酒猶妹土之誥也禹惡旨酒易未濟之終以濡首為戒曷嘗導民以飲而罔其利哉初權酒酤書於漢武紀其流害萬世甚於魯之初稅畝

大戴記朝事篇取周官典命大行人朱子儀禮經傳以為朝事義

考工記貉踰汶則死先儒以汶為魯之汶水列子釋文云案史

記汶與濬同謂汶江也今江邊人云狐不渡江說文貉狐類也踰越大水則傷本性

有虞氏上陶舜陶河濱器不苦窳周陶正猶以虞閼父為之周人上輿中庸或問軌者車之轍迹輿之廣六尺六寸其轍迹在地者相距之間廣狹如一無有遠迹莫不齊同至秦然後車以六尺為度

輪人注掣讀為紛容掣參之掣疏云今檢未得愚謂即上林賦紛溶蒨蔡

冶氏注鋌讀如麥秀鋌之鋌表記注移讀如禾記移之移六字未知出何書疏不釋其義或者農書所載歟移昌氏反

滴水云臬氏為量鄭玄以方尺積千寸此乃九章米粟法某家

紀開卷四

十九

明

舊有一古銅敦乃周成王時物甘人侵扈命正人出師復扈邦賜有功師氏而數亦皆備

嘉量之銘祭侯之辭皆極文章之妙而梓人筍虞之制文法奇古有飛動之狀蓋精於道者兼物二而後能制器莊子謂梓慶削木為鐻鐻成見者驚猶鬼神以天合天道與藝俱化豈物二剝雕之哉

大戴記投壺篇云嗟尔不寧侯為爾不朝于王所故亢而射女強食食尔曾孫侯氏百福此祭侯之辭也與梓人同而略異養和設射不來不來者諸侯之不來朝者也侯者射塚也因祭寓意以為諸侯之

或

司儀問君君問大夫君勞客注云問君曰君不恙乎對曰使臣

之來寡君命臣于庭問大夫曰二三子不恙乎對曰寡君命使臣于庭二三子皆在勞客曰道路悠遠客甚勞勞介則曰二三子甚勞疏云未知所出何文或云是孔子聘問之辭亦未得其實愚按說苑魏太子擊封中山遣倉唐使於文侯文侯召倉唐見之曰擊無恙乎倉唐曰唯唯如是者三乃曰君出太子而封之國君名之非禮也文侯怵然變容問曰子之君無恙乎倉唐曰臣來時拜送書於庭鄭氏所述蓋古禮也

太行人注亦云問不恙

周禮劉向未校之前有古文校後為今文古今不同鄭據今文注故云故書朱子曰八灋八則三易三屯之類各有書屬民讀灋其法不可知如戰之陳其陳法不可見矣

冥氏注鄭司農云讀為冥氏春秋之冥按儒林傳冥都傳顏氏春秋之學疏謂若晏子呂氏之類非也

王肅聖證論譏短鄭康成謂天體無二郊丘為一禘是五年大祭先祖非園丘及郊祖功宗德是不數之名非配食明堂皆有功於禮學先儒辯之聖證論今不傳正義僅見一二唐禮志曰讖緯亂經鄭玄主其說以禋祀祀昊天上帝此天也玄以為天皇帝者北辰耀魄寶也兆五帝於四郊此五行精氣之神也玄以為靈威仰赤熛怒含樞紐白招拒汁光紀者五天也由是有六天之說顯慶二年禮官議六天出緯書南郊圓丘一也玄以為二郊及明堂祭天而玄以為祭太微五帝啓蟄而郊郊而後耕而玄謂周祭感帝靈威仰配以后稷

因而祈穀皆縲論也

古未有筆以書刀刺字於方策謂之削魯為詩書之國故考工記以魯之削為良

沙隨程氏曰禹貢冀州之北不可畫五服之地周官雍州之西不可畫九畿之地

師氏使其屬帥四夷之隸各以其兵服守王之門外司隸帥四翟之隸使皆服其邦服執其邦兵守王宮唐太宗擒頡利其酋長帶刀宿衛亦古制也然結社率之變幾至危殆蓋先王德化之盛非太宗所能及慕冠帶百蠻之名而不虞後患孟子曰以力服人者非心服也

遂師抱磨音歷史記樂毅書故鼎反乎磨室徐廣注磨歷也戰

四十五

紀聞卷四

二十一

竹

國策新序作歷室蓋古字通用

大史大師抱天時注云大出師則大史主抱式以知天時史記曰者傳旋式正棊唐六典太卜令三式曰雷公太一六壬其局以楓木為天棊心為地六壬之說許郊重曰水者準也生數一成數五以水數配之為六壬也遁甲者推六甲之陰而隱遁也本黃帝風后之術孤虛者一畫為孤無畫為虛二畫為實以六十甲子定四方占其孤虛實而向背之

虛謂天門地戶也

吳越春秋詩說曰孤

鄭剛忠解義如冕服九章授田三等治兵大閱旗物之互建六鄉六遂師都之異名陰陽之祀有用牲之疑九畿之國有朝貢之感豆區鍾釜有多少之差世室重屋非明堂之制皆辯

明使有條理

古者國有間田田有餘夫夫有間民民有羨卒不盡其財力也
至秦而自實田至漢而覈墾田至隋而闕丁口至唐而括逃
戶隱田於是財殫力盡民無樂生之心矣

取士之制其涂有三諸侯三年一貢士侯國之士也鄉大夫興
賢能王畿之士也大司樂教國子國之貴游子弟也

漆林之征二十而五漆以飾器用而已舜造漆器群臣咸諫防
奢靡之原也種漆成林重其征所以抑末而返樸也

困學紀聞卷之四

